

MI NOUVÈL MI !

Mars 2024



KIMOUN NOU YÉ ?

Bonjou toutmoun nou sé zèlèv 5yèm A LVR kréyòl a kolèj Fèwnan Balin Lansbètran é pwofésè an-nou sé Man LUPERON.



Souch : <https://ark-gp.com>



Souch : foto a man LUPERON, bik-a-liv Lansbètran

BIK A JOURNAL-LASA.

Bik a journal-lasa sé fè kréyòl la pran lanvòl é ba-zòt lanvi li-y.

Èvè klas an-nou, nou mèt latilyé journal doubout é tit a-y sé "Mi nouvèl mi !".

Adan journal-lasa nou ké bay lavwa si nouvèl a kolèj-la, komin-la kivedi koté zò pé travay é nourri lèspri a-zòt.

Emma ,Thamara-ly, Chris



MI NOUVÈL MI !

Mars 2024



VIZIT A BIK-A-LIV LANSBÈTRAN

Lè 23 Janvyé nou ay vizité bik-a-liv a komin Lansbètran koté 12-é-dimi. Nou maché, nou maché ! É nou fin pa rivé an bout a jaden kon nou ka di. Yo té ja ka atann-nou, prezantasyon fèt, annou rantré an nannan a vizit-la ! Adan bik-a-liv-lasa tini plizyè moun ka travay adan-y é sé on misyé ki gidonné-nou toulongalé. I bay lavwa anlè bik-a-liv-la é nou aprann sété on ansyen kazèn a polis ! Biten séryé !



Souch : foto a man LUPERON, bik-a-liv Lansbètran

Bik-a-liv Lansbètran sé on bèl batiman, ou pé vin li atètipo, fè wouchach é larèstan.

Ni moun ki la pou gidonné-w ! Pa pè !

Yo ka òwganizé désèwten animasyon ba toupiti é osi ba sé pli gran-la, kon nou, zèlèv kolèj !

Mé si, yo jis ka fè karaoké ! Sé sa menm ou tann.

Alòs ka ou ka atann poufè kat a-w ?